

**ՀԱՅ ՄԱՐԶԻԿՆԵՐԻ ՄԱՄՆԱԿՑՈՒԹՅՈՒՆԸ ՀԻՆ ՀՈՒՆԱԿԱՆ
ՕԼԻՄՊԻԱԿԱՆ ԽԱՂԵՐԻՆ**

Մ.Ս.ԻՍՊԻՐՅԱՆ

Պատմական աղբյուրները վկայում են, որ Հին Հունական օլիմպիական խաղերին մասնակցել են նաև Հայազգի մարզիկները: Օլիմպիական խաղերի մեզ Հայտնի առաջին Հայ մասնակիցն ու չեմպիոնը Տրդատ III Արշակունին է, որի կյանքն ու գործունեությունը մանրամասն նկարագրել է Ագաթանգեղոսը: Նրա մասին գրել են նաև Մովսես Խորենացին, Ղազար Փարպեցին, Փավստոս Բուզանդը, Եղիշեն: Տրդատ III-ի գործունեության տարբեր դրվագներին անդրադարձել են Մ.Ջամջյանը, Հ.Մանանդյանը, Ս.Գլինկան, Վ.Բրյուսովը, Վ.Աբաղյան և ուրիշներ:

Շատերի զարմանքը և տարակուսանքն է առաջացնում այն փաստը, թե ինչպես է Հայ երիտասարդը կարողացել օլիմպիական խաղերի ըմբռնմարտի մրցումներում Հաղթել Հնարամիտ, ուժեղ և փորձառու Հույն մարզիկներին, որոնցից մի քանիսն արդեն իսկ օլիմպիական չեմպիոնի կոչում բաժնեին: Տրդատի Հաղթանակն առավել ծանրակշիռ է դառնում, եթե նկատի առնենք, որ մրցումները կայանում էին Հունաստանում՝ Օլիմպիայում, և զոտեմարտերը վարում էին Հույն մրցավարները: Տրդատ III. Արշակունիս՝ օլիմպիական խաղերում տարած Հաղթանակը մեծապես պայմանավորված էր նրանով, որ նա, ճակատագրի բերումով մանուկ Հասակում տեղափոխվելով Հռոմ, իր նախնական դաստիարակությունը և կրթությունը ստացել էր այնտեղ, ուր վաղուց ի վեր գործում էր ֆիզիկական դաստիարակության և կրթության կայուն Համակարգ:

Ագաթանգեղոսը գրում է, որ Հայոց թագաժառանգ Տրդատին դայակները «փախուցեալ ի դուռն կայսեր ի կողմանս Յունաց»¹: Խոսքովի արդիներին դայակների կողմից օտար երկիր փախցնելը Հաստատում է նաև Ղազար Փարպեցին²: Իսկ Մովսես Խորենացին այդ փաստը շարադրում է Հետևյալ կերպ. «Երբմէ գաղթեալ նախարարքն Հայոց, Հանդերձ ազգան Արշակունեաց ի Յոյնս ապաւինէին. յորոց մի էր և Արտաւազդ Մանդակունի, որոյ առեալ զՏրդատ որդի խոսրովու՝ ի դուռն կայսեր Հասուցանէր»³: Ագաթանգեղոսը վկայում է նաև, որ Տրդատը ուսում և դաստիարակություն է ստանում Հայտնի գորավար կոմս Լիկիանեսի մոտ⁴, որը տարիներ անց դարձավ կայսերակից՝ նախ Գալբերիոս, ապա Կոստանդինոս կայսրերին:

Մ.Ջամջյանը, ի մի բերելով Հայ պատմիչների՝ Տրդատին Հռոմ փախցնելու մասին վերը թվարկված շարադրանքները, գրում է. «Եայնմ ժայրի մի ոմն ի նախարարաց Արտաւազդ անուն Մանդակունի առեալ զմանուկ մի յորդուցն խոսրովու թագաւորին Հայոց Տրդատ անուն՝ փախեալ ի կողմանս տերութեան Հռովմայեցւոց, և Հասոյց ի Կեսարիա. և անդ անուցանէր զնա. և անտի առեալ

¹ Ագաթանգեղոս, Հայոց պատմություն, Ե., 1983, էջ 32:

² Ղազար Փարպեցի, Հայոց պատմություն, Ե., 1982, էջ 9:

³ Մովսիսի Խորենացու Պատմություն Հայոց (այսուհետև՝ Պատմություն Հայոց), Տիպոս, 1913, էջ 215:

⁴ Ագաթանգեղոս, էջ 33:

տարաւ զնա ի Հռովմ, ուր և ի չափ հասեալ Տրդատայ՝ եկաց ի դրան կայսեր...»⁵:

Տրդատը Լիկիանեսի մոտ ծառայելու տարիներին զբաղվում էր զինավարժութեամբ, ճիւղավարժութեամբ, ըմբշամարտով, ուսանում էր ռազմական արվեստ, հանդես էր դալիս կրկեսի մրցումներում, ապա նաև հին հունական օլիմպիական խաղերում⁶: Նկարագրելով Տրդատի ռազմական և մարզական կարողությունները՝ Մովսես Խորենացին գրում է. «...Նախ ի մանկութեան յերկար կամակար աշտանակեալ, և կորովի ճիւղավարեալ, և զէնս շարժեալ յաջողակաբար, և այլ պատերազմական ուսանել արորժակա. ապա ըստ Պեղոպոնէսացւոց մեհենկան հրամանին Հիպիտեայ ի մրցանակս ագոնին առաւելեալ քան զկղիտոստրադոս, Հոռագի, որ զվզէ ևեթ կալեալ յաղթէր. դարձեալ և քան զԿերասոս արգիացի, զի նա զկճղակ եղին թափեաց. իսկ սա զերկուց ցլուց վայրենեաց միով ձեռամբ կալեալ զեղջերէն, թափեաց հանդերձ ընդվզեալ ջախջախամբ: Եվ ի ճիւղնթացս մեծի կրկիսին կառավարել կոմեցեալ՝ ի հմտութենէ հակառակորդին ոստուցեալ յերկիր անկաւ, և բուռն հարեալ արգել զկառն. ընդ որ ամենքին զարմացան»: Հիպիտեսը եղել է «Հունաստանի կառավարիչը, որին վերագրվում է օլիմպիական խաղերը սահմանելը: Այստեղ հիշատակված ըմբշները՝ Կետոստրատոս և Կերասոս... հիշատակված են Եվսեբիոսի ժամանակագրության մեջ, որից և վերցրել է Խորենացին»⁷:

Տրդատի գերազանց ըմբշամարտիկ լինելը հաստատում է Ագաթանգեղոսը՝ գրելով հետևյալը. «Հասեալ ի Ղուռն Արշակունւոյ, որ քան զամենայն նախնիսն քաջ եղեալ, զանցոյց արութեամբք, որ ըմբշամարտ սկայազօր քաջութիւնս գործեաց ի մարտս պատերազմաց»⁸: Եվ ապա՝ «Իսկ թագաւորին (Տրդատը - Մ.Ի.) որ այնչափ անուանի եղեալ՝ քաջութեամբ առաւելոյր ի մարտս պատերազմացն, նաև և յՈղիմպիադան Յունաց հսկայազօր երևեալ, բազում գործս արիութեան և անդ ցուցեալ, և ոչ սակաւ մզեալ պատերազմունս յայնկոյս Եփրատ գետոյ ի կողմանս Տաճկաց. ուր և կարեւիչը խոցեալ՝ ելանէր երկվարան ի պատերազմէն. իսկ նորա առեալ զերկվարն, և զասպազէն նորին և զիւր զառնազէնն առեալ կապեալ ի թիկունսն՝ ի վերայ մկանանցն ի լիւղ անցանէր ընդ գետն Եփրատ. արդ որ այնչափ հզօր զօրավորն էր և բուռն ոսկերօք...»⁹: Ասվաճից պետք է եզրակացնել, որ Տրդատը ռազմական կրթություն ստանալուն զուգընթաց զբաղվել է նաև ըմբշամարտով և, հին հունական օլիմպիական խաղերի մրցումներում հաղթելով բոլոր ուժեղագույն ըմբշներին, հռչակվել է օլիմպիական խաղերի չեմպիոն:

Եթե նկատի ունենանք Տրդատի՝ դեռևս մանուկ հասակում Հայաստանից տեղափոխվելու տարեթիվը, զինավարժություններով, ֆիզիկական վարժություններով և սպորտով զբաղվելու ժամանակահատվածը, կրկեսներում անցկացվող գազանամարտերի մրցումներին մասնակցելու ժամանակը, նրա ամրակուռ երիտասարդ լինելու փաստը, ինչպես նաև հին հունական օլիմպիական խաղերի անցկացման տարիները, ապա կարելի է եզրակացնել, որ

⁵ Մ. Զամչեանց, Հայոց պատմություն, հ. Ա, Ե., 1985, էջ 368:

⁶ Ս. Հարությունյան, Հայ հին վիպախարհը, Ե., 1987, էջ 83:

⁷ Պատմություն Հայոց, էջ 217, 218:

⁸ Մովսես Խորենացի, Հայոց պատմություն, Ե., 1990, ծանոթագրություններ Ս. Մախաչյանի, էջ 274:

⁹ Ագաթանգեղոս, էջ 16:

¹⁰ Նույն տեղում, էջ 116:

Տրդատը, ամենայն հավանականությամբ, Հին Հունական օլիմպիական խաղերի ըմբշամարտի մրցումներում, չեմպիոն է հռչակվել 281թ. կայացած 265-րդ օլիմպիական խաղերում: Իսկ քանի որ Տրդատի հոր՝ Հայոց թագավոր Խոսրովի սպանությունը տեղի է ունեցել 261թ., որի ժամանակ Տրդատը մոտ 2 - 3 տարեկան էր, ապա 281թ. օլիմպիական Հաղթողի դափնեպսակը նվաճելիս նա մոտ 22 - 23 տարեկան, ֆիզիկապես կոփված և մարզված երիտասարդ էր, և այդ հասակում, օլիմպիական չեմպիոնի կոչումը նվաճելն առավել հավանական է: Նկատենք, որ Տրդատի՝ Հռոմ տեղափոխվելու տարեթվի, այդ պահին նրա տարիքի և Հայոց թագավոր կարգվելու ժամանակի վերաբերյալ առկա են տարբեր տեսակետներ, որոնք արմատապես չեն տարբերվում միմյանցից: Եղիշեի վկայությամբ՝ Տրդատին Հռոմի կայսրությունն էին տեղափոխել տղայության հասակում՝ նրան ազատելով «ի հայրասպան մարդախորհրդ հօրեղբարցն իւրոց»¹¹:

Օլիմպիական խաղերի չեմպիոն Տրդատը շարունակում էր ծառայել Լիկիանեսի մոտ, երբ գոթերը հարձակվեցին Հռոմի վրա: Կատարելով կայսեր հրամանը՝ Լիկիանեսը Տրդատի և իր զորազնդի հետ շտապեց հասնել պատերազմի վայրը: Քաջ գիտենալով Տրդատի գերբնական ուժի մասին՝ կոմս Լիկիանեսը նրան ներկայացրեց կայսր Դիոկղետիանոսին: Որոշվեց, որ Տրդատը, ծալովելով Հռոմի կայսեր արքայական հագուստներով, պետք է մենամարտի գոթերի թագավորի հետ: Ազաթանգեղոսի վկայությամբ՝ կայսրը «Հրամայեաց արկանեալ ծիրանիս. և զարդարեցին զՏրդատիոս ի զարդ կայսերական, արկեալ զնովաւ զնշան թագաւորութեանն. և ոչ ոք գիտէր վասն նորա. հրաման ել ամենեցուն, թէ ինքն իսկ կայսրն իցէ: Եւ նորա առեալ զգունդն զօրաց բազմութեան՝ ի ձայն փողոյ տափնապաւ յառաջ մատուցանէր մինչև յանդիման թշնամեացն:

Իբրև յանդիման եղեն միմեանց կայսերակերպն և թագաւորն՝ մտրակ ի կուշտ արարեալ երիվարացն ի միմեանս հասանէին. անդ յաղթահարէր կայսերակերպն զթագաւորն. ձերբակալ արարեալ՝ ածեալ յանդիման առաջի կայսերն կացուցանէր: Յայնժամ մեծացոյց յոյժ թագաւորն զՏրդատոս, և մեծամեծ պարզեա ետ նմա. թագ կապեաց ի գլուխ նորա և ծիրանեօք զարդարեալ մեծացոյց զնա, և կայսերակերպն զարդու չքեղացուցեալ մեծարեաց զնա. և գումարեաց ի ձեռս նորա դօրս բազումս յօգնականութիւն նմա, և արձակեաց յիւրական աշխարհ Հայոց»¹²:

Այդ մասին Սեբեոսը գրում է. «Յամի Ի-երրորդի Արտաշրի, Հնգետասաներորդի Դիոկղետիանոսի, կայսերակերպ չքեղությամբ Տրդատիոս ելանէ ախոյան ընդդեմ արքային Գղաց: Եւ անդէն ձերբակալ արարեալ զախոյեանն անարի զթագաւորն Գղաց՝ ածեալ կացուցանէ յանդիման կայսերն Դիոկղետիանոսի. և անդէն ի նմին ամի թագաւորեցուցանէ Դիոկղետիանոս զՏրդատ ի վերայ աշխարհիս Հայոց»¹³: Տրդատի Հոր ֆիզիկական ուժի և Հայաստանի թագավոր կարգվելու մասին գրել են նաև Ներսես Շնորհալին, Ուխտանեսը և ուրիշներ¹⁴:

Նշանակալից է, որ Հենց Տրդատ Մեծի թագավորության օրոք՝ 301թ., քրիստոնեությունը առաջինը Հայաստանում ընդունվեց որպես պետական կրոն,

¹¹ Եղիշե, Վարդանի և Հայոց պատերազմի մասին, Ե., 1989, էջ 144:

¹² Ազաթանգեղոս, էջ 35 - 39:

¹³ Պատմութիւն Սեբէոսի, Ե., 1979, էջ 58:

¹⁴ Ներսիսի Շնորհալոյ Հայոց կաթողիկոսի Բանք չափաւ, Վենետիկ, 1830, էջ 583, Ուխտանէսի եպիսկոպոսի Պատմութիւն Հայոց, Վաղարշապատ, 1871, էջ 82:

խակ Տրդատ Մեծը, ավելի ուշ, դասվեց Հայ սրբերի շարքը և անվանակոչվեց Սուրբ Տրդատ Մեծ¹⁵:

Տրդատ III-ի կողմից օլիմպիական խաղերի չեմպիոնի կոչումը նվաճելուց 104 տարի անց՝ 385թ., կայացած 291-րդ օլիմպիական խաղերի՝ բռնցքամարտիկների մրցումներում Հաղթողի դափնեպսակ է նվաճել նույն Արշակունյաց տոհմի մեկ այլ ներկայացուցիչ՝ Վարադդատ Արշակունին: Վարադդատի մասին առաջին ստույգ տեղեկությունները Հաղորդում է Մովսես Խորենացին: Նա գրում է. «Բայց Ազոստոս բարեացապարտն Թէոդոս որ և Մեծ, ի քսաներորդ ամին իւրում Թագաւորեցոյց Հայոց փոխանակ Պապայ զՎարադդատ ոմն ի նմին տոհմէ Արշակունեաց: Այս Վարադդատ էր տիովք մանուկ, սրտեայ, անձնեայ, ուժեղ, լի ամենայն գործովք արութեան, և յոյժ կորովի նետաձգութեամբ: Որ ի ժամանակի ի փախստենէն Շապուհոյ գնացեալ ի դուռն կայսեր նահատակեցաւ, նախ ի Պիսաս զբռնամարտիկան յաղթելով. դարձեալ յԱրեգ քաղաքի Ելլադացոց յօր Հասարակի կոտորեաց առհւծս, յորում փառս Ողոմալիայ խաղուն Հանդիսի յըմբշամարտկացն երևի և յարգի»¹⁶: Վարադդատին Հայոց Թագավոր նշանակելու և նրա՝ Արշակունի լինելու փաստերը Հաստատում է նաև Փափստոս Բուզանդը, որը գրում է. «Եւ եղև յետ մահուան Պապայ Թագաւորին Հայոց. Թագաւորեցոյց Թագաւորն Յունաց զՎարադդատ ոմն ի նմին տոհմէն Արշակունի ի վերայ աշխարհին Հայոց»¹⁷: Այնուհետև, ամրապնդելով իր կարծիքը՝ Փափստոս Բուզանդը նշում է. «Իսկ Վարադդատ Թագաւորն պատգամ յղէր պատասխանոյն առ զորավարն Մանուէլ, և ասէր. Եվ քանզի եմ Արշակունի, զի եղի զԹագ նախնեաց իմոց Արշակունեացն, և կալաք զաշխարհն առաջնոց իմոց, և խնդրեցի զվրէժ Տօրեղբօրն իմոյ Պապայ ի Հարազտրծ յեղբօրէն քումմէ ի Մուշեղայ»¹⁸:

Վարադդատի Ֆիզիկական մեծ ուժի և օլիմպիական խաղերի բռնցքամարտի մրցումներում տարած Հաղթանակի մասին Միջամյայնը գրում է. «Ընդ որս և Վարադդատ ոմն Մանուկ Արշակունի դնացեալ ի Կոստանդնուպօլիս՝ եկավ ի դուռն արքունի. ուր և եցոյց բազում գործս քաջութեան... Սա յորժամ ի յոյնս էր, արար բազում քաջութիւնս. և յօլիմպիական խաղս յաղթեաց բազում բռնամարտկաց»¹⁹: Օլիմպիական խաղերի բռնցքամարտի մրցումներում Վարադդատի Հաղթանակը ամրապնդած է «Օլիմպիական խաղեր» գրքում²⁰:

Հին Հայաստանի Թագավորական և նախարարական տոհմերում պատանիների և երիտասարդների Ֆիզիկական դաստիարակությունը կրում էր կազմակերպված բնույթ: Նրանց ուսուցանում էին զինվորական վարժություններ ու խաղեր, ծանրամարտ, ըմբշամարտ, բռնցքամարտ, լող, նիզակի նետում, մարզական խաղեր, նետաձգություն, ձիավարություն և այլն: Եվ միանգամայն բնականոն են Հնչում Մովսես Խորենացու վերը բերված այն խոսքերը, որ Վարադդատը «տիովք մանուկ, սրտեայ, անձնեայ, ուժեղ, լի ամենայն գործովք արութեան և յոյժ կորովի նետաձգութեամբ»:

Հռոմեական կայսրությունում ապրած տարիներին Վարադդատը մարզվել և մասնակցել է կրկեսներում անցկացվող զազանամարտերին, ապա

¹⁵ Փափստոս Բուզանդ, Հայոց պատմություն, Ե., 1968, էջ 94, 102:

¹⁶ Պատմութիւն Հայոց, էջ 307 - 308:

¹⁷ Փափստոս Բուզանդ, էջ 356:

¹⁸ Նույն տեղում, էջ 366:

¹⁹ Մ. Ջամէանց, նշվ. աշխ., էջ 461 - 462, 471:

²⁰ The Olympic Games, Athens, 1982, p. 296.

Հունաստանի էլիս նահանգի Պիսա քաղաքում հաղթող է ճանաչվել թուցքամարտիկների մրցումներում, իսկ այնուհետև հասել է մարզական կյանքի ամենախոշոր հաղթանակին՝ նվաճելով օլիպիական խաղերի չեմպիոնի պատվավոր կոչումը: Գրականություն մեջ Վարազդատի՝ օլիպիական չեմպիոն դառնալու տարեթվի և հաղթած մարզաձևի վերաբերյալ կան իրարամերժ կարծիքներ: Ս.Հարությունյանը, Վ.Պատոնովը և Վ.Գուսկովը սխալմամբ կարծում են, որ Վարազդատը հաղթանակ է տարել ոչ թե թուցքամարտի, այլ ըմբշամարտի մրցումներում²¹, իսկ Ա.Մովսիսյանը և Ա.Գալուստյանը գրում են, որ Վարազդատը օլիպիական խաղերի չեմպիոն է դարձել Հնդամարտից: Վերջինիս պնդմամբ՝ «Վարազդատը Հին Հնդամարտում բազմիցս հաղթանակներ է տարել»²²: Սակայն հանրահայտ է, որ Վարազդատը մեկ անգամ է մասնակցել Հին Հունական օլիպիական խաղերին և ընականաբար չէր կարող բազմիցս հաղթանակներ տանել և այն էլ Հնդամարտում: Որոշ հեղինակներ էլ գտնում են, որ Վարազդատը օլիպիական խաղերի չեմպիոն է դարձել 291-րդ օլիպիադայում՝ 384թ.²³: Այս վարկածը հերքվում է այն պարզ պատճառով, որ մեր թվարկության բոլոր օլիպիական խաղերն անց են կացվել կենտ թվականներին, իսկ 291-րդ օլիպիական խաղերը ամենաստույգ տվյալներով կայացել են 385թ.: Որոշ հեղինակներ էլ հակված են կարծելու, որ Վարազդատը Հայոց թագավոր է եղել 374 - 378թ., իսկ օլիպիական խաղերի չեմպիոն է դարձել 278-րդ խաղերում, որը համապատասխանում է 372 - 374թթ.²⁴: Այն, որ Վարազդատ Արշակունին Հայոց թագավոր է եղել 374 - 378թթ., հաստատվում է անփյտելի պատմական փաստերով, իսկ որ նա իբր օլիպիական չեմպիոն է դարձել 278-րդ խաղերում (372 - 374թթ.), չի համապատասխանում իրականությանը: Ինչպես Հայտնի է, Հայոց թագավոր Վարազդատի և Մանվել Մամիկոնյանի հակամարտությունը և ձեռնամարտն ավարտվում են վերջինիս հաղթանակով և Վարազդատի «փախուստով դեպի կայսրության սահմանները»²⁵: Փավստոս Բուզանդը, մանրամասնորեն նկարագրելով Վարազդատի և Մանվելի մենամարտը, գրում է, թե ինչպես Մանվելը «զնիզակն յինքն հանէր յարքայեն: Եվ արքայն Վարազդատ ի փախուստ դառնայր յերեսաց զօրավարին Մանուէլի...: Եվ զթագաւորն Վարազդատ հալածեցին ի յերկրէն ի սահմանացն Հայոց. չօգաւ դնաց ի երկիրն Յունաց. անդ եկաց որչափ և եկաց, և անդէն մեռաւ»²⁶: Հարցի ճշգրտման վրա

²¹ Ս.Հարությունյան, նշվ. աշխ., էջ 147, В.Платонов, С.Гуськов, Олимпийский спорт, кн. 1, Киев, 1994, с. 74.

²² А.Галустян, История физической культуры в древней Армении (Очерки по истории физической культуры, вып. IV, М., 1949, с. 163).

²³ Գ.Բուտաև, Յ.Սիմոնյան, Ֆիզիկական կուլտուրայի պատմություն, մասն Ա, Ե., 1956, էջ 110, Վ.Մարտիրոսյան, Օլիպիական կրակի շուրջը, Ե., 1973, էջ 270, П.Соболев, Олимпия, Афины, Рим, М., 1960, с. 27.

²⁴ Ս.Զորյան, Երկերի ժողովածու, Հ. 9, Ե., 1983, էջ 470, Կ.Աթոյան, Ֆիզիկական կուլտուրայի և սպորտի հնագույն ակունքները Հայաստանում, Ե., 1985, էջ 257 - 260:

²⁵ Հայ ժողովրդի պատմություն, Հ. II, Ե., 1984, էջ 108:

²⁶ Փավստոս Բուզանդ, էջ 365 - 373:

ույց է սփռում Հունաստանի Օլիմպիկ ավանի օլիմպիական թանգարանում ցուցադրվող, դարերի խորքից մեզ հասած հուշագիրը, ուր աղյուսակաձև, վերից վար նշված են օլիմպիական խաղերի թվերը, դրանց անցկացման տարեթվերը, օլիմպիական խաղերի չեմպիոնների անունները և նրանց երկրների անվանումները: Այդ հուշագիրը տեղեկացնում է, որ Հին Հունական օլիմպիական 291-րդ խաղերում որը կայացել է 385թ., օլիմպիական խաղերի չեմպիոններն օլիմպիոնիկեսի, կոչված նվաճել է Հայաստանցի Վարազդատը:

Այսպիսով, պարզվում է, որ Վարազդատ Արշակունին 385թ. կայացած Հին Հունական 291-րդ օլիմպիական խաղերի բռնցքամարտիկների մրցումներում օլիմպիական խաղերի չեմպիոնի պատվավոր կոչումը նվաճել է Հայոց թագից զբվելուց 7 տարի անց:

Վարազդատ թագավորի քաջությունը և բարի գործերը Մովսես Խորենացին համեմատել է նրա անվանի նախնու՝ Տրդատ Մեծի հետ: Վարազդատի մասին նա գրում է. «Այլ որ առ ազգին Ղանկուարտացն նորա արութիւքն քաջութեան՝ Համարձակիմ ասել հաւասար սրբոյն Տրդատայ»:

Որ եկեալ թագաւորութեամբ յաշխարհս մեր ի յիսուն և հինգ ամին Շապոյ, - շարունակում է Խորենացին, - առաջին մարտին պատահեաց աւազակաց ոմանց Ասորոց ի դժուարս Դարանաղտոյ, և փախստեայս արարեալ՝ Հետամուտ լինէր: Իսկ նոցա անցեալ ընդ նեղուցս կամրջին Եփրատայ՝ ընկեցին զփայտն զկնի իւրեանց. այլ նորա հասեալ՝ վազեաց զԵփրատաւ առաւել քան զղակոնացին Քիոնեայ վազան քսան և երկուց կանգնոց չափ: Եվ անդ էր տեսանել նոր զոմն Աքիլեա ընդ Սկամանդրոս գետ վազելով: Յորմէ զարհուրեալ աւազակացն զէնընկէց լինելով ի ձեռն եկին»²⁷: Պատմահայրը Վարազդատի թագավորության ժամանակահատվածը և ավարտը այսպես է նկարագրել. «Յաղագս որոյ արեալ ի մանկութեանն արութիւս, առ այսոքիւք և ի թագաւորութեանն ոչ Հնազանդ էր խրատու վերակացութեանս զօրացն Յունաց: Իսկ կայսրն Թէոդոս Հրամայեաց զնա ունել, եթէ ոչ իւրովք կամօք երթիցէ ի կոչ ինքնակալին: Վասն որոյ Հարկեալ երթայ կամօք իւրովք, յուսացեալ ի սուտ Հանել զԱւրաստոսն: Իսկ կայսրն և ոչ տեսութեան արժանի արար, այլ երկաթի կապանօք ետ տանել զնա ի Թուղիս կղզի Ովկիանու որ թագաւորեաց ամս չորս»²⁸:

Հնադարյն ժամանակների օլիմպիական խաղերի հաղթողներն արժանանում էին մեծ հարգանքի և պատվի. օլիմպիական մի շարք չեմպիոններ անգամ դարձել են իրենց պետությունների թագավորներ, իսկ երբեմն նաև թագավորներն են ձգտել նվաճելու օլիմպիական խաղերի հաղթողների դասինները: Օլիմպիական խաղերի առաջին չեմպիոն Տրդատ III Արշակունին օծվեց Հայոց թագավոր: Տիբերիոսը (մ.թ.ա. IV դ.) Հետագայում դարձավ Հռոմի կայսր²⁹:

Հիմնվելով Ե. Կեսարացու «Ժամանակագրության» վրա՝ Վ. Մարտիկյանը, Կ. Աթոյանը և Ա. Մովսիսյանը փորձում են ապացուցել, որ Հին Հունական օլիմպիական խաղերին ոչ միայն մասնակցել, այլև հաղթել են մի քանի Հայ մարզիկներ: Ա. Մովսիսյանը գրում է, որ «Տիգրան II-ը մեծ տեղ էր տալիս զինվորական կրթությանը: Տիգրանը, որ դեռ մանուկ հասակից սովորեց Հունաստանում, մասնակցում էր օլիմպիական մրցումներին և շատ անգամ

²⁷ Պատմութիւն Հայոց, էջ 308:

²⁸ Նույն տեղում, էջ 309:

²⁹ Словарь античности, М., 1989, с. 543.

հաղթող էր հանդիսանում»³⁰։ Վ.Մարտիկյանը նույնպես գրում է, որ Տիգրան II-ը «Հունաստանում ուսանելու տարիներին, ինչպես բոլորը, զբաղվել է մարմնակրթությամբ։ Հենց ուսման տարիներին՝ էլ Տիգրանը պետք է մասնակցած լինի օլիմպիական հանդեսներին։ Դա համապատասխանում է 170 կամ դրան նախորդող ու հաջորդող խաղերից որևէ մեկին։ Տիգրանը հանդես է եկել մենամարտի որևէ ձևում»³¹։

Վ.Մարտիկյանը, հիշատակելով Եվսեբիոսի «Կեսարացու» - «Ժամանակագրությունը», նշում է, թե վերջինս, նկարագրելով առաջինից մինչև 247-րդ օլիմպիական խաղերը, առանձնացրել է խաղերի հաղթողներին, նրանց երկիրը և խաղերի թիվը։ Եվսեբիոս Կեսարացին հիշատակում է Արշակ անունով մի մարզիկի. «Նա՝ առաջին թագաւորեաց Արշակ ի Պարթևստանե, ուստի և Արշակունիք»³²։ Կ.Աթոյանը գտնում է, որ հին հունական օլիմպիական խաղերին Վարազդատից բացի մասնակցել են Տիգրան II-ը, Արշակ I-ը և Տրդատ III-ը³³։ Սակայն Տիգրան Երկրորդի՝ օլիմպիական խաղերի չեմպիոն լինելու հանգամանքը անընդունելի է, քանի որ մինչև Հայոց թագավոր դառնալը (մ.թ.ա. 95թ.) նա պատանի հասակից պատանդ էր Պարսկաստանում։ Եթե նկատի ունենանք, որ Տիգրանը ծնվել է մ.թ.ա. 142/141թ., ապա Պարսկաստանից վերադառնալիս և Հայոց թագավոր կարգվելիս նա արդեն 46-47 տարեկան էր³⁴, որը միանգամայն անհավանական տարիք է օլիմպիական չեմպիոն դառնալու համար։

Փաստացի տվյալներ չկան այն մասին, որ պարթևների կողմից Տիգրան II-ին պատանդ վերցնելուց առաջ կամ պատանդ եղած ժամանակ նա մեկնել է Հունաստան կամ մասնակցել օլիմպիական խաղերին։ Ավելին, Հայոց թագավոր կարգվելուց հետո նա պարբերաբար պատերազմի մեջ էր նաև Հռոմի հետ և նման պայմաններում, մանավանդ պատկառելի հասակում չէր կարող մասնակցել օլիմպիական խաղերի։

Ջի բացառվում, որ հին հունական օլիմպիական խաղերին մասնակցել է Արտավազդ II-ը, որը ըստ Մ.Նեյմանի, «Արտավազդ II-ի որդին էր և Հայոց թագավոր էր մ.թ.ա. I դարի վերջում», իսկ մինչ այդ «մոտ քառորդ դար պատանդ էր Հռոմում»։ Հնարավոր է, որ օլիմպիական խաղերին մասնակցել է նաև Արտավազդ II-ը։

Արտավազդ II-ի դիմանկարով դրամի մյուս երեսի վրա հունարեն գրված է. «Արքայից արքայ Արտաւազդի» և նկարված է մի քառաձի երկանիվ մարտականք, որը վարող Արտավազդին պսակ է տալիս հաղթանակի դիցուհին»³⁵։ Քառաձի երկանիվների, մրցության մասնակցելը և հաղթանակի դիցուհու կողմից հաղթողի պսակ ստանալը ապացույց է այն բանի, որ Արտավազդ II-ը, իրոք, հաղթանակ է տարել այդ մարզաձևում և եթե ոչ օլիմպիական խաղերում, ապա այլ շատ կարևոր մրցումներում։

³⁰ Ա.Մովսիսյան, Ուրվագծեր Հայ դպրոցի և մանկավարժության պատմության, Ե., 1958, էջ 473։

³¹ Վ.Մարտիկյան, նշվ. աղյ., էջ 280։

³² Նույն տեղում, էջ 277-279։

³³ Կ.Աթոյան, Ռազմա-սպորտային մենամարտեր Հայաստանում, Ե., 1965, էջ 185-190։

³⁴ Վ.Մանանդյան, Տիգրան Երկրորդը և Հռոմը, Ե., էջ 26, 28, 241։

³⁵ Մ.Գավուրջյան, Հայ ժողովրդի ծագումը, Մոնթրեալ, 1982, էջ 105։

Այնուհանդերձ, ուղղակի ապացույցներ, որ վերը թվարկված կամ այլ հայ մարզիկներ մասնակցել են հին հունական օլիմպիական խաղերին, ներկայումս չկան: Դրանք լուրջ հետազոտման և ապացուցման կարիք ունեն:

УЧАСТИЕ АРМЯНСКИХ СПОРТСМЕНОВ В ДРЕВНИХ ОЛИМПИЙСКИХ ИГРАХ

М.С. ИСПИРЯН

Р е з ю м е

Древние армянские историки Агатангелос, Мовсес Хоренаци, Фавстос Бюзанд и другие утверждают, что спасая жизнь младенца Трдата Аршакуни, его увозят в Римскую империю, где под началом князя Ликианеса он занимается военными упражнениями и борьбой. Здесь же в Риме Трдат получает военное образование и становится чемпионом по борьбе 65-ых древних Олимпийских игр, состоявшихся в 281г. Впоследствии Трдат, по указу Рима, становится царем Армении.

Спустя 104 года, в 385г., на 291-ых древних Олимпийских играх Вараздат Аршакуни тоже становится чемпионом по боксу.

Сведения о других армянах, участвовавших в древних Олимпийских играх, нуждаются в дополнительном исследовании.